

CAPUT XI.

COMITES DE SINZENDORFF.

EX Comitum de Sinzendorff hæreditariorum Sacri Romani Imperii Thesaurariorum splendidissima familiã, Paulus de Sinzendorff prodiit, qui annuentibus Fratribus, Ottone, Nicolao, & Pilgramo Sinzendorffis tres & viginti denarios annuorũ redituum in Hundhafen Grabern/cum consensu Feudi Minorum Johannis & Leutholdi Minorum de Churring summorum Austriæ Pincernarum [prosapia quæ in his terris omnibus aliis dubiam suo tempore palmã fecit] Conlobrino suo Ottoni Stockharner & Agneti ejus Uxori pro duabus libris denariorum Viennensium An: 1347. vendidit. (a) Johannes de Sinzendorff testis adducitur in duobus documentis de Anno 1379. (b) Sequenti Anno 1380. Idem Johannes à Berchtoldo de Stadel prædium quoddam emit. (c) A Georgio Domino de Volckerstorff autem Anno 1389. feudã accepit. (d) Idem annis quinque antea Anno videlicet 1384. aliis quoque bonis per venditionem acquisitis patrimonium auxit. (e) Eo temporis tractu Fridericus de Sinzendorff ex hac gente claruit, qui ecclesiasticam vitam amplexus Parochiæ S. Georgii Pastorem dedit, ejus fit mentio in Reversalibus literis Anno 1385. quas Frater Johannes à Sinzendorff quoque subscripsit. (f) Emit porrò Fridericus ille villam quandam in Parochia Wieselburgensi sitam Anno 1385. (g) Johannes autem Sinzendorffius ære suo ab Egidio de Wolffstein partem prædii Thalern Anno 1390. acquisivit. (h) Cujus loco tria prata in Thalern Fratri Friderico Anno 1390. vendidit, testesque in rei fidem rogavit Wolffhardum à Sinzendorff & Egidium de Wolffstein. (i) Johannes de Sinzendorff porro, & Frater ejus Fridericus Anno 1400. à Wilhelmo Hauser Austriæ equite & Anno 1402. solus Johannes ab Henrico Wezel bona quædam sibi compararunt. [k] Johannes Kolb in favorem Johannis Sinzendorffii Juri suo in prædia tria in territorio Parochiæ S. Georgii sita Anno 1414. renunciat. [l] Elisabetha Johannis à Sinzendorff Uxor, & Georgii Baronis ab Eizing filia ab Alberone Domino de Volckerstorff duo prædia in Windischdorff/Anno 1405. in feudum accepit. [m] Johannes Sinzendorffius præterea bona quædam Anno 1407. emit. [n] Albertus Austriæ Dux dimidiam partem Castri Wasen à Georgio Scheck refutatam Wolffhardo Georgio & Eberlino, Johannis Sinzendorffii filii Anno 1413. in feudum concessit. [o] Elisabetha à Rolenharth primis nuptiis Johanni Sinzendorffio copulata post
ejus